

於于野談

全

於于野談

權可述者 恭僖大王武士也嘗渡海遇風船擊石而破百餘人盡流屍而可述與其奴壽石共攀一破板而乘馬板狹不可容二人而勢急將不免兩死小人何惜願大人好保小人終此辭矣遂投水而死矣可述其板泛亡呼號被行舟所救得活告于官 旌壽石之門復其妻子爲良民後可述官至濟州牧使私奴尹良全義人也陪其主牽馬踰車嶺日且醺有一人挺劍脫冠由山谷截前路直趨而前尹良知其爲賊人捽其主墮馬踞其膏曰是夫吾主也居常鞭撻我甚苦欲報其怨無其便今有後馱京亡物若干價願借我其劍吾且甘心是夫與若分是



物賊信之假之劔尹良倒其劔刺其賊活其主○論介者晉州
官妓也當萬曆癸巳之歲金千鎰勅義之師入據晉州以抗倭
及城陷軍敗人民俱死論介凝粧靖服立于轟石樓下峭巖之
前其下萬丈直入波心羣倭見而悅之莫敢近獨一倭挺然直
進論介咲而迎之倭將誘而進之論介遂抱持其倭投于潭心
俱死壬辰之亂官妓不見辱而死不可勝記匪止一論介而多
失其名然彼官妓淫娼也不可以貞烈稱而視死如歸不污於
賊槩亦聖化中一物也不忍背國從賊無它忠而已矣

江南德母者京都西江嵩工黃鳳之妻也鳳家居蠶頭以海賈
為事萬曆初入海遇颶風不還妻衣素行喪闋三年服寡居累

年一日有人自中原回傳鳳書曰漂海泊中原甘地爲民家傭
其妻得書嗚悵悲號曰始以良人葬魚腹今聞尚保軀命居上
國吾將持瓢行乞雖僵死道傍必達也宗黨止之曰小國之大
國間有彊界之禁關門之設異言異服者不敢入犯之者有常
刑今婦人獨達萬里必不達其爲路上之骸無疑其妻不聽排
衆而達潛渡鴨綠江直入中國鵲衣蓬首垢面赤腳乞食於市
歲餘達于江南如書中所指果與鳳相遇於海上邊城遂與偕
還故國歸路有娠還舊居生女名江南德閭里不名之曰江南
德母異之如黃卷中余觀中國與東國内外有截亂離之前彼
此邦禁方嚴一婦女乃敢獨入中原達還如東隣適西里終遇

良人於茫茫渺渺之境此天下所無之事其勇敢貞烈植三綱
貫古今近查壬辰興兵之後我國人隨天兵籍死兵名或載入
關達中原無慮萬人也未聞一人私入中國能自逃還豈獨無父
母夫妻也哉蓋人各愛其身出萬死一生查無其人故也彼如
汪南德母者奇之奇也今年暮母死年八十天啓元年夏記
朴元宗有不賞之勲震主之威 恭僖大王每引見而罷出也
必下龍床俟其出差備門乃升床宗_下元_上聞之曰自此每罷出必
褰裳疾足顛倒喉喘而後已人臣逢此優禮豈有善享其終者
乎多近婦女飲醇酒疽發其背使侍婢相連瓜瓠之不廢酒色
瘡日益甚不救三十六而為領相四十三沒

李王堅王孫也其父興安君其祖漢南君俱廢王堅為人醇懿而無手業不可資為生學造鞋于隣工以糊口終至極巧長安貴游子弟為娼妓買女鞋者皆歸焉妓必曰王堅手法厥后復父祖爵業如古起廢王堅授懷川正為宗室品職棄飛黃戴貂帽目趨於朝路遇靴工同業者必下馬揖見其長者雖泥道必拜靴工惶不自安望而避之常冠帶行遇舊同業者握手入草廬對酌色不忤從者行路多義之其子孫有義城君好學有孝行人多推之嘗對人博奕手品酷好觀者矚之曰好哉手品真王堅鞋手也眾抵掌大笑○嘉靖乙巳士禍作有逮其獄以逆論者骨肉不保矧其餘乎人皆累息聳肩望亡而避李大司

諫霖死其獄其妻子凍餒無所告每四孟頒祿之日於其家園
墻內有以祿米五斗甌一缸潛置者主人亦不知誰氏子也彼
亦不自為某氏為也如是者久而不替至于事定兩家猶相不
知不言古人所謂酬德於不報者卽此謂也為是舉者其有後
乎○尹任外戚也富貴全盛時喜相種花與種花人相款甚許
與一婢聽使役後任敗其家或坐誅或為庶人任小子與忠以
年未滿逋緣坐律既朝廷伸其寃許興忠補官其婢服役種花
人家經亂離率其子弟三十餘人欲尋舊主詣興忠請服役種
花人曰尹二相時德余能養花草與此婢宰相賊獲服事于小
民家今過六七十年其德已深矣今經亂離失券子復尋舊主

吾何止汝惟汝所安於是自寧三十餘人請興忠歸之興忠撫
然辭曰吾先人當全盛時愛花草與汝一婢其子孫宜悉歸吾
何敢因經亂離失券逆先人之志還奪汝婢兩家相讓卒歸三
十餘人於種花人夫不忘本尋舊主忠也知自足歸已有廉也
斥其利順父志孝也庶人見利錐刀抵死爭之雖骨肉猶成仇
敵此一事三善俱焉可以警後庶而傳庶也種花人名洪璘瑞
也○人之血氣有限而父子之間郵傳不替雖千百歲如一日
吾巷中有忠義衛朴青有先祖朴董影子流傳二百年其容貌
相肖不辨彼此吾家有先祖柳政丞濯影子卽前朝人也掛諸
堂上與吾仲兄夢熊相類仲兄妻觀而憂之曰何以先祖直諫

不善終也厥后兄亦死於孝吾外祖甥洪瑞鳳謁門丈鄭惕門
丈年時年八十餘熟視之偶然歎曰爾與爾外王曾祖柳司諫
面目聲音既同身長無不如此之子孫之於先祖血氣貫通安有
幽明之別不覺淚下云耳吁人之血氣非已有之也先祖之昇
與無私而一家之中或成胡越是非忘祖忘其身也哉烏得以
享神佑哉我之我先祖之於子孫也

洪大諫天民五月五日生幼時學馬遷史子先副學春卿至孟
嘗君傳五月五日生者長與戶齊不利於其父母大諫大驚爇
竦體束至人生受命於天乎受命於戶乎可以高其戶誰能至
者稍自寬於心而戰懼之心未嘗捨于懷至年十五與里中諸

兒折花於東郭外至道成菴諸僧多病疫面垢鼻血而卧大諫
愕然而退回時頭痛涔_二到家病熱幾死而甦其先夫染其疫
逝大諫自咎為終天痛云○李之菑先墓在寶寧海邊中以大
石為墓業於風_水手不吉欲去之不可得之菑曰去之不難遂入
海鬻伐材裝千石巨艦四隻以千石長杠四面縛其石繫于四
艦及潮水大漲大石為水所浮遂張帆入深解而投之海其奇
畧出衆人慮外可堪為大將領三軍而終落拓而卒惜哉
蘇_二立讓三昆季為親卜葬地隣有相士其術如神為卜一穴曰
此明堂也蘇將啓土其夜_二立讓之季密入師室屬壁而聽其師
謂妻曰其地果有明穴若指其穴相地者當死吾以稍南數尺

地卜之矣曰何也曰其次三靈虫三昆季皆為高品季歸告其兄移穴稍北數尺地用之師曰移卜大不可大凶蘇不聽曰昨夜已聽師密語矣師遂乞命曰此下必有大蜂三勿令飛出失其一則一不貴二則二不貴吾且必死雖開穴俟吾還家而開遂躍馬而還於是破土開穴中有石石下果有三大蜂皆如拳即旋掩之未及掩一蜂飛出師未及門螫師腦後仆地而死其後兩蘇皆升高品一蘇終不貴傳曰謀及婦人宜吾及也相地師之謂乎○朴府院君應順先朝國舅其死占葬地其穴後無主古塚闢土時得古碣埋地中亦府院君之墓也遂啓達不允今在尹帶原府院君孝全使相地人朴尚義相其親副定

公墓尚義曰是犯鬼門穴壙中必有妖氣速遷之不然必有災
仍開壙中木奴皆生髯木婢皆生髮長數尺隨風鬚鬚深怪
之拔其毫根皆白若著人生肥中以為不祥改卜他山葬之
壙中多誌石亦古副正公墓也莊子不憑其子靈公奪而埋之
靈公為靈久矣安知靈公之前不有古靈公如府院副正公歟
地理未可推也○鎮安縣監鄭湜湖南人也萬曆甲午乙未居
親喪時倭寇滿國獨湖西一道未被凶鋒湜生業稍裕南中豪
士如林懽林懌白振南各具舡艦載家屬避亂于羅州黑山島
是島在海中絕遠與濟州相隣漁採者所罕到竹樹叅天土壤
極膏蔬菜之美魚鰔之肥倍海邊陸地之十行船者必候風占

雲而逞馬湜盡載家屬而一舸之中糧谷屢百石其餘喪中所
需磨礪之屬亦載之留島中屢月聞湖南消息平民多安堵同
逞之船將還故土候風湜夢有白頭老叟來謂湜曰我是島主
明日當假君便風君有馬甚駿吾甚愛之請畱之湜覺而異之
向家人說其夢家人之夢或同馬湜甚懼欲放其馬於島中而
去湜長子孺士獨不惑強止之曰男兒處大事豈可信一夢况
今大寇在陸棄馬空山就陸地非計之得也湜一信一疑未決
翌日又夢白叟來曰子惜一馬不信吾言幸畱處子不然吾不
許利涉既覺復說其夢欲留其馬長子又止之既舉碇張帆與
衆船偕發他船棄風鳥逝帆樯無恙回顧湜船至洋中徊徨不

進湜大懼盡放家產於洋中船猶不進乃以前所隨小舫載其
馬與妻子終未免墊沒滿船家屬盡填於魚腹南中人至今傳
說皆咎其長子余初捷魁科例除察訪湜為同僚為人精明而
倖直不幸至此可哀也○譯官申應澍者譯官判事申涎子也
屢朝燕京官至正二品販貨興家仁業有贏涎八十不能自業
資諸子為生與應澍異室而處應澍素鮮誠孝其妻嚚惡無比
應澍每得時需具盤羞俾妻進其親與其婢私潛饋其女紹應
澍示其空器曰舅盡餐無餘應澍信之每四子益俸祿分而進其
親妻與其婢私潛減白米一斗和沙數升他事皆餘之涎一日
過時日長食遠應澍適有所之謂其妻曰今日仁晏速辦酒食

進之既出涎待食至暮食不來知婦不肯饗杖屨而歸飢甚矣
應澍知之詰責之妻附臂而語曰若然有如陰天震雷厥明日
應澍出外妻女婢俱在竹肆庄陰雲四至大雨暴至一里晦黑
白晝如漆聞格_々之聲出應澍家俄而大震三穀如天裂地坼
劃然而晴隣人入其家視之妻女婢三人駢首死屋上瓦撒成
帖片瓦不碎矣國語譁然皆咎應澍不孝不檢妻子三省推獄
應澍斃於杖吁天人之間理不累黍無肆為惡上帝臨汝其可
懼哉申錕門中藥出其事甚異不得不大書以懼世也或曰罪
在三人應澍不知故震不及之○閔山者吾家外庶孽也居市
井嘗游鍾樓街上一人胡衣破笠背負一草袋蒙以百結故

絮御裝樓柱礎上而憇天方雨露小人見其負極重鼻息甚促
密察滿帑皆是黃金山於是牢約令勿移他所亦不引歸于家
通貸市上之貨出萬匹布相易於路上而去因此富甲長安所
與婚媾皆宗室士族子孫皆為達官即今鍾街有亂市之禁也
或曰草衣破笠者神人也匪人也○有一儒士讀書于山寺其
寺巨剎也高廊廣庭面勢弘敞與諸僧月夜相話夜將午忽大
聲裂天跳地自遠而至有巨虎如牛騰蹕直入廊廡竄身諸僧
驚怖失措俄有一獸體如邱陵逐虎及廊前嚼之虎不敢抗大
獸嚼虎如猫咬鼠虎垂頭揚尾半身入其口四腳不及地其獸
之傑魁雄偉不可狀未知其為何等獸也又有北道堡將因搜

討入山忽有大虎躡竄蒼黃投巖穴而匿小選有一獸大如狗
全體青色目如金鈴逐虎不得捷佇立良久而去其狀如畫畜
中獅子云亦不詳何等獸也余疑儒士所見彪彪也古書彪彪
巨獸能食虎傑將所見必是狻猊也古書狻猊者獅子出西域
聞其聲虎豹懼伏能一日三千里安知西域獅子不偶來我北
道耶○嘉靖中汪原道麟蹄縣民入山樵採遇玄熊二乃壓民
堅坐移晷民仰見其陰如女人以爪抓之良久熊乃喜甚頽然
而卧持民不釋民始做男兒之歡熊乃愛之挈入窟中積大石
為牢狴每出便舉大石如屋者杜其門聚細草為藉摘山中百
果與之多珍異饒其飢數日熊乃神物也能曉人語民人曰吾

居家食稻粱魚肉衣繭絲麻錦春夏異服夜卧有鋪有蓋不食
生物烹飪有釜鼎不食淡有鹽醬而調味裁割以刀刃無他許
多物吾病且死丐汝幸出我生還無令枯死巖穴自此之後熊
入村舍偷掠黃粱白粒酒麀醬缸如人立戴而來如牛馬負馱
而輸紬衣錦襖錦褥彩衾釜鬲器皿無不畢致皆可周用人間
大小具取用如富家日得鹿豕獐兔及民家鷄狗牛羊之肉以
享陸續不匱獨不及刀刃利物民居窟中以熊爲妻非但免飢
寒能致財用有裕衣輕煖枕床褥飽粱肉醉醇醪列鼎珍羞燠
火而食獨開閉在彼還家望斷居三年知熊無疑因溫辭說曰
吾與汝雖異類旣爲夫婦情愛兩融無所疑貳而石戶之防日

益牢出入不得自由吾情甚憫塞汝之出遊雖不出遊吾將安
達自此出入不杜戶良久而返民猶不離窟熊稍信之民欲棄
機逃走恐其追後欲其行遠不復而逃也詐謂熊曰吾在春川
清平山西某村某家父母兄弟俱在而絕音已三年矣欲傳一
書以探存沒汝能以此書傳之否熊顧之因付一書而去度其
遠去密走還家仁人初失民謂入山熊採為虎餌朕喪已闕三
年及至咸驚走匿以為鬼民備陳顛末而後相持痛哭熊還視
其窟失其民遍山狂吼近山村村落無不毀破搜索如是三四晝
夜熊絕食自斃民之財用器皿窟之所儲時而用之終為饒家
吾妻家婢夫原州鄉吏也金允者聞是事而慕之嘗山行見雌

熊露其陰而卧歆干之熊驚起舐之骨出乃死云〇漢汪南
清溪之北有果川官舍亡之背有大路出山上名孤峴昔有行
客往過尋之有數間草屋亡有敲撲聲白首老叟方斲木造牛
頭客入觀之問造此焉為曰有所用既而牛頭成以與客曰試
戴之又取牛皮與之曰試衣之客以為戲免冠戴牛頭赤身衣
牛皮叟曰脫之客歆脫而不得仍成一大牛繫之皂下明日騎
而入市方農衆委重價求之客大呼市中曰我人也非牛也備
盡其辭買者不知解或曰是牛家中畱犢耶腹中有黃耶何其
多轂也叟以高價跳蹬得五十端布謂買者曰此牛牽去勿近
蘿菴田食之輒死買者騎而逞駄重遠行駕耜墾田疲極而喘

鞭箠隨之不勝其苦怒而欲訴主人又不解矣自悼物中最靈
失本形而化為畜物求死而不得其家櫪近於門有家僮洗蘿
當滿瓢而入客思叟言食蘿當必死之言以口觸其瓢蘿當散
地疾取數莖而食之嚼訖牛頭自落牛皮自褫宛然赤身矣主
人驚怪問之客悉道本末復逢孤峴尋之無草屋只於巖底留
布數匹孤峴之名自此始君子曰斯言近誕足以喻實理世之
人逢時之昏失其趨者甚衆及其見賣於匪人被役事猶牛雖
千萬人中自歆卞言人不信之悲夫○楊州檜巖寺有僧乞食
游巖南之善山道逢一僧問其所向即同路仍與偕行其僧擔
一橐中有餅中有宿飯遂行至一巖日已午開橐出便共

飯問此巖何名荅曰鳥巖食既又偕行日將晡憇于道傍長堤
下樹陰而仍著小睡睡覺失僧所之既而視之其堤卽檜靈南
池之堤也寺之釋出見相勞問所從來卽朝叢善山諸僧以為
誣已亦自疑其非真而身已到舊棲所相接亦同舍僧也日暮
昏渾舍夜明瑞光亘天而亦不見偕行僧所在也○閔起文爲
丞旨時聞曉鐘詣闕馬上假寐忽遇亡友柳景深於路上叙
寒暄問其所如曰吾家子弟具酒肉邀之餉訖而歸倏然而覺
酒氣襲鼻深異之使人問其家柳氏子是日亡父忌辰祭纔訖
云耳○嘉靖乙巳歲年飢京外人民多飢死時人之諺曰飢鳥
窺空厨言人飢鷄犬亦飢厨中無遺矢也至萬曆乙巳水災東

海白鷗為風驅遍於嶺西山谷數百里之外人多手搏之西京
縣監李命俊方坐衙有海鳥集于庭樹命俊謂邑吏曰海鳥無
故至山邑不久必有大水未幾嶺東西大水卒至五臺山一角
崩人民多漂死有一處子坐樓上鷄犬升屋而下呼號乞救江
上人操舟而達水中失穴之蛇滿樓如織繯繞其身舟人懼而
不敢近回棹而去有武人姜仲龍前縣監也善游不怕身見江
上棺材漂下流水極取之連得四五板力倦且休又見一板在
中流其妻強之潦水寒冽如水波勢甚疾仲龍挾板不及岸淹
而死遂斲其板而葬之命俊先水而備災仲龍貪財而致死無
他讀書不讀書之別○先王初年朝廷無朋黨及沈義謙金孝

元互相詆誅因成東西黨朝議分而貳之 先王大怒斥義謙
為下道方伯遷孝元為雷寧府使時李珣上章曰兩人誠有罪
孝元素多病今若入北塞必死恐匪 聖主之事請移他處
上允其言遂除三陟府使三陟崩東饒邑而邑中多鬼魅前後
守宰多死時銓官皆義謙黨故斥之死地也孝元之邑二吏處
孝元不于官衙而于村舍孝元怪詰之吏曰比年衙内有妖邑
宰多違厲而亡鑽已多歲月矣孝元亟令灑掃而處焉時春分
之後衙眷不敢隨往孝元獨處空衙中閉閤而睡覺視之閤自
開矣見一點青火在庭中左轉之小如螢右轉之大如盆或小或
大終如甕俄而一點飛入房中始細終巨如在庭迫近卧床孝

元起坐擁衾正色言曰人鬼殊道何嘗若是豈無以也如有寃其細陳否者宜速退何敢見凌言訖火光倏然而逝不知何所向孝元牢閤而眠夢有一夫闔門來告曰我是邑城隍之神自是邑設位板饗之于山寺中年新羅王第三女妖巫之鬼也自小白山來銜怪于民間事或有懲民惑焉遂斥我而棄我祀享之撤我位板置之官廳內架上辱莫甚焉城主速出其妖神還我舊祀幸孰大焉卒語而覺天明孝元早起促韝馬邑人頽主倅夜必死及晨咸異之問何向之城隍祀使儒士畧千隨之入其祀啓之閤內羅帷錦幡儀物甚備命吏卒盡撤之皆曰是神靈異無比若是則必有大災皆睢盱莫敢近或稍亡匿令數三儒

士撤去位板帷幃什物積諸庭中而火之其中純金長簪純金
大鈴焚之不燒推擊之或瓦段而棄之復往官廳架上果有城
隍神位板命下吏安于祀潔牲酒以饗之其夜城隍神復見于
夢彌謝而去自此邑中無災時儒士璩參見其事今為平昌郡
官言其首末甚詳○土俗多忌諱事中國人乘船忌駐字籌字
同音籌者為快亡取疾速之意華語彌物之重者曰沉船中獨
不彌沉而彌重者亦忌之也頃者我國儒生應舉者恒言惡用
落字與諸友約曰語言用落字者眾手摳之有一儒塲中饌以
絡蹄為炙一儒把箸而進請食立蹄炙立者樹立之義也一場
大笑或有未登科不食絡蹄者與落字同音故忌之柳潑緒將

赴司馬試夢乘駿馬而馳道中忽墜既覺憮然自失漉緒好駿
馬常假武人駿馬遍長安花柳間忽馬蹶而墜忘其身之傷而
喜其夢之驗翌日應舉果中司馬申墊每赴試猫橫過前路及
其中試在明日而終日行不見猫強尋友家及夜深見路傍店舍
病猫蹲于門外拂其扇而驚猫_口驚截路而過大喜歸宿于家
翌日應試果中_中吁好忌諱女子之常事士子識道理豈惑於妖
說但士習之重科舉如賤人之憂死生可嘆也已○吾家有僮奴
求石者性駭年二十不知已生歲幾何筭不能十曰吾年前十
七今年十六所能只刈薪而不能計薪十束只量力輕重而負
來調笑者甚多詰其由兒時貌可愛性極敏稍筭於羣童家長

出耘于野使渠摘覆盆子方夏紅子滿野赤身持筐摘之有村
牛繫其林爛熟者多在牛下匍匐而取之牛驚舐觸之加之角上
高六七丈逆落于地迷不省牛益怒因絕鼻索觸而躍之三四度
壯肉內外三裂腸腑湧地血滿溝壑鳥鳥爭啄之薪者奔告家
長來觀之氣絕矣遂抱就川上洗其腸納肚求駿于村里縫其
裂處又求醬油全椒生薑于遠村調和數器問口而斟之至夜而
甦數月縫合肥肉復全自此精神頓迷其癡騃如此云數月牛
主牽牛牧野日暮不還家人徃尋之牛復觸殺之仆林中鳥鳥
復啄腸與目村犬磔其肉矣遂縛其肉牛於大樹繫四脚巨斧斷
其項吁向使童子不貪山果必不見縫肚之患又使牛主當決腸童

子之時而殺之必無爲焉。鵝啄鴈村犬磔肉之患物性不一不測之患伏於黍養可愼也哉。○古者通中國而上副使書狀官各異船各具二本咨表文書以備不虞如高麗時上使洪師範滄苑書狀官鄭夢周獨達者是也。朝天之行船於豐川渡赤海白海黑海其間數千里經許多州嶼候風潮取路故其如所需及中國貿販之資各傾家資捆載于船豐州主倅大張柁樓之樂以餞之及其發船也親舊攀船號哭以送之至今效樂有柁樓樂之曲有火炮一匹亦在朝天之貧家甚貧行資冷落同行者目笑之至海中一島泊船樵汲藥順風將放船亡自回旋不進船人曰自古舟行者一人有水厄滿船皆被水災今我舟中必有當水厄者請試之每下一人

於陸船猶徊徨至火炮匠船輒沛然不滯遂相與議其糗糧釜
藁刀劍所需諸器強畱之島中去約竣事而還當邀汝而同歸
相泣而別火炮匠獨居島中結草為幕以備風雨寒暑拾螺螺
拳輪蛆以充飢渴自分為絕島枯骨常夜不寐側耳而聽之每
曉風掀山震嶺而出于海每日晚又有聲掀山撼壑而入于島深
異之候其時草山林以俟之有一大鱗大如虹樑巨桴長不知幾百
尺在島中捕熊羆鹿豕而吞入海中趨脩鱗窮甲而食之其行
路成一溝可容大船火炮匠新磨大劍列殖于路中皆埋兵上
刃翌曉其鱗果自海而入島徙額至尾皆為劍鏗所裂珠璣瑯
玕火齊之屬迸瀉于地委積充谿越數日瘴風腐臭透鼻往

見大鱗死于林中剗其腸而出之照藥經寸之珠不知其幾千
百遂編草而裹之大如斛者十餘包以弊衣覆之以俟其回船
者歲幾半忽有大艦張帆自洋而來高轂而呼曰火炮匠無恙
否至則朝天東歸之船也相與把手而慰之邀之上船同船之人
已得南金北貝文段絲錦於中國充船而回矣火炮匠曰諸君
皆得重寶於中國而獨枯苦空山莫匪數也何面目歸見妻子
在島中無所為拾州邊團石要以充老妻鎮床支機之資紡績
之具耳遂舉十飽包上船皆覆以弊裘同船之人竊笑而哀憐
之既還鄒蘭諸市價至十二萬金富為東方之甲○安德秀老神
名醫也

昭慶大王朝年老多病罕與人相接而其疼脉命藥

百不一差雖難名痼疾無不治在柳楊禮壽用霸道速效而多
傷心安德秀用王道效遲而不傷時論多歸安有一人遇邪崇苦
疾沉痛屢月德秀藥饒之其症五變其藥亦五變皆見效其夜
夢有一人謂德秀曰吾與若人積歲深喜以告上帝必殺之乃
已吾五變其症以避公藥公亦五變其藥已饒之吾將不勝公矣
明日當六變其症公若更治以新藥當移晷行與公德秀覺而異
之頃之其家來問其病其症果六變矣德秀以疾辭焉其人竟不救
吁邪雖崇人必因人榮衛之虛而逞其邪人能以先防良藥邪不敢
投其隙吾於膏肓二豎之說深有疑焉考之醫書膏肓下肓上亦有可
療之劑崇之劑緩而亦怕二豎之害已耶惜乎德秀惑於一夢卒不救

其人也○京城一宰相既死之後家業貧窶其子婚祠艱窘有女可
筭剋日將醮偶有祠事行于家適其晨有故友戴星而行路值一
宰相前呵後導戎道而來遂舉鞭長揖其醉如泥相與叙寒暄
曰今日不肖子邀余勸飲大醉而歸子歸說諸兒仍揖而別未數
步駐其馭贈一封書小紙曰兒家甚貧方成婚欲以贈之因醉
忘之子其替余傳之其友尋其家傳其語諸子祀事終訖聞之
聚首而哭拆其封有大珠三枚示之婦人々々曰吾家葉金之簪
也初喪飯舍用此珠今從何處得復來取其簪驗之三珠皆合
舊蒂一家上下仆地而慟曰吾家失全盛舊業子孫貧匱婚事難
周亡靈必軫念于此歸飯舍之珠以助婚也其友亦長慟而去

金義重慎家蒼頭也年十九服役主家不堪芻柴之勞潛跡而遁
不尋形影者十餘年慎家使奴業山徵諸奴歲貢于嶺南至烏巖
著駿帽穿藍衫玉珥銀頂御飛龍而過者辟路甚嚴輜重塞路
業山駐馬路左而伏熟察之狀類金義重甚異之大官亦從馬上
睨視之至里許數卒還來牽業山去業山惶懼魄遁入山谷數里
有絲幕臨溪奔走供給者遍滿山原至幕外青衣了頭入通于大
官二張翠幕揖讓而進果金義重也對置絃椅子被赤豹皮
揖而陞左右紅粧各執盥洗塵筵者數十人義重問其主寒暄
因叙阻濶俄而輕粧奉盤而進方丈珍羞寶器璀璨衆樂并奏
觴筮并進彷彿公侯之樂業山曰昔日共事于主何其困也今做何

官若是之貴義我重笑曰始為崔蒲亭長遷綠林縣監陞授潢
池府使今聞京中大衙門收稅于新市甚急差官入我境故賣牛
犢來迎于市宴飲于此因命侍兒出裝中綵段五十匹其十匹與
業山四十匹使進主家曰敬修十年貢業山歸而奉其主之家因是而
富○閼良申汝犢者興陽庶蔭也萬曆己未年天朝徵我兵阿哈_征
赤汝犢代嫡兄行與寶城人任興國俱射天字弓與一當百之選入胡
地麇六七部落遇伏兵天將劉提督縫喬游擊一騎我國禍裨宣
川郡守金應河等力戰死之都元帥姜弘立副元帥金景瑞以八千兵
馬降於虜俗受降以萬軍咳唾合盛一甕分食降卒汝標隸弘立
軍虜點降卒盡去寸刃驅之如羣羊諸犬至黑龍江深且廣淺

猶沒有自度到此益絕歸路與同行者謀高聲大呼曰男兒不
能死一涉此江終身戎虜孰從我而歸我遂躍馬墮圍出隨者十
五人盡為追騎所殪獨與興軍全馬緣山谷穿山林而至一處巨壑
中斷兩崖相距數丈汝攢舉鞭躍馬一超而過興國馬後蹄不踴彼
崖跌墜崖下踊身攀山脫甲而上追騎奮戟不逮者數尺難以獲免
兩人一騎一步西南行數日宿山藪夜聞犬吠聲在十里外汝攢曰
吾聞胡犬見人追趕而吠中原之犬吠不出門吾往試之覓糧而來到
村外犬吠門中以華音呼曰孩子二村無男只有婦人呼集出觀以
壺醬餽糧迎送歸到我昌城陣將李挺男選輕騎十人令復進黑
龍江偵候不見我師歸值胡賊死者七騎獨與數騎還馬天兵

之攻部落也無男女少壯而廝殺之小兒皆交臂瞑目縮坐以受刀有婦絕艷盛粧據汝櫓按劍三進三不忍手撫之婦以羅衫裹袖手聽其擄天兵拔刃斫之○柳辰同未冠也喪二親未學日與長安俠少游偷閭里圈承懼被夜禁使同隊人散髮隨而哭有送喪者嘗於大達中與人戲角觝人無當者時宰相李自堅行辟人一見之因問曰爾有父母乎曰早喪親托於長兄曰爾讀何書曰未知學也自堅目之去仍以姊女妻之年十八九猶為無賴遂操弓業武妻家婢不恭以鐵鞭扑之即斃妻母苦之讓子曰嘗擲新郎為可人今年長不學悖甚余甚悶焉自堅曰願勿憂年尚少辰同之射廳習騎射墜馬絕而甦怒折弓曰武危事非君子所宜業自今誓舍武從事於文乃躍

馬歸路遇臺諫不肯下馬馳入自堅家請學講經書終捷明經
官至判書而卒與自堅一見辰同於角觝之場知異日必貴遂許之婚
藻鑑如是豈尋常肉眼者比乎○古者有丞相崔瓘者年幾七十求
後娶中媒者莫有應士族家許之將納幣其處子大慟垂淚而言
于父母却之李氏家有處子家貧未笄丞相使人言其父母曰不肯
許處子曰吾門無達官父母食貧終世一女子何關願舍吾身從
之以周我二親幸而有後將為子孫榮不亦可乎父母許之妻焉同調
若干歲丞相沒其子弘胤大貴官至兵曹判書李氏終身享其養
其大慟之處子適士子有失行嬰法網不善終到今言者為奇談
惠莊大王朝處士洪裕孫年九十無室為後嗣求妻媒姬行莫不挺

棒而驅之有一處子謂其父母曰雖嫁夫一日死願為賢者妻父母許之裕
孫九十生子名志成博學多聞為士聞人訓後進達官多出其門至乎
昭慶大王朝丁酉年之進八十而終兩在八九朝歷年殆二百載豈不大異也
哉一說七十六娶妻生二子志成第二云○南師古在江陵謂邑人曰今年
必有大兵邑人靡有了遺謹避之邑人素知師古有神筭避于襄杆之
間其年厲疫不可勝記一邑蕭然師古曰吾之術業可謂粗矣謂厲謂
兵邑中儒士崔雲溥登第為親將開慶宴師古謂邑人曰爾輩須往
觀之此邑三十年間無此慶後李璣登第適三十一年嘗來京師叅判
鄭期遠幼時從長者見師古後再往自內高聲問曰鄭秀才來
耶顛倒出迎鄭怪問之曰何以知吾來曰豫知君來指壁上書曰

某日鄭某來嘉靖丁卯師古登南山驛頭望見驚嘆良久曰是何王氣索然俄而日移在社稷洞末樂恭獻大王薨無適嗣

昭敬大王社稷洞潛邸卽祚于乙丑年蚩尤旗出長興天齋師古豫知有壬辰之亂○洪相國彥弼親喪中居廬塋中子暹以童子從夏月彥弼宿于樹陰下開目視之暹亦赤身蛇過其腹暹熟視之凝然不動俟蛇已過腹而後起問其由暹對曰方過之時若動身則蛇必咬我彼既不人吾而木石吾亦不自人而自木石彼自不咬是以視之不動彥弼聞而異之知異日必大成後繼彥弼為相國○承身相黃守身丞相黃喜子也有所眄妓鍾情特深喜嘗責之切守身唯亡而退猶不緩一日守身自外至喜整冠服出迎于門如大賓守身

懼而伏地問其故喜曰吾以子待爾而爾不聽是不父我仁以賓禮
接之守身叩頭請死厥後更不與妓相問嘗扶醉橫截過妓家
宿馬夜半酒微醒開目視之見燭影下有女在側察之則前日所
眄妓也驚問曰爾何為來此對曰舍吾家安之諦視之乃妓家也於
是大怒詰其由於僕欲殺之對曰來時馬首指此家意大人回轡也
蓋昔日來逢妓家喂之甚勤馬首之回馬也非人也守身遂悟取劍
斬馬首後守身以蔭官陞相位○叅判朴啓賢二相忠元之子也富氣
槩不拘苛禮少年陞宰位衣父衣棄父輅一代之榮一家之慶無雙
二相呼其子曰令公對與之對奕叅判見大夫人為二相新製衣南段南藍
衣請以賭奕二相見輸叅判託以起旋入內請大夫人試新衣既著

從小門棄父輶而走以扇叩轅下卒推轂如飛行路榮之以為斑
衣之舞 恭獻大王朝遣中使宣醢廷臣叅判舉酒屬漢城右尹
曰若何不為漢城左尹時二相為左尹右尹曰將置乃翁何地曰其翁不
可移之判尹乎廷中大咲中使立而啓之越明日特旨拜忠元為判尹右尹
為左尹○李芝峰晬光為安邊府使其地有一氓漂海而還者曰嘗與三
人同舟漁于海隅咸風直西行七日七夜不暫息忽至一處巖崖而眠忽
聞浪聲涵湧擡目而視之巨人腰下水腰上露于水長可三十仞其
頭面肢體極雄無比矣三人者刺船欲避之已被攀手舷欲覆之蒼黃
舉斧斫其臂巨人棄而上山三人引舟而去巨人立山上魁嶷觸天如
山嶽不知何許地人三人復遇西風泊我南海康津之堧歸焉嘗聞

東國通鑑有一女死而浮其陰七尺蓋海外多巨人國豈防風氏長狄
僑如之遺裔歟○智異山徧日菴在雙溪寺東嶺外十里所經過路
絕砢砢為梯者數處昔新羅時崔致遠所游處也西有青鶴峯仙
鶴棲馬東峯有長瀑高可數十丈狀如玉龍倒掛銀河飛落直
瀉于臺前昔人大字刻其巖曰玩瀑臺菴在臺北松林翳碍馬
時有休糧高釋有一有道二衲孤棲其巖方春三月杏花滿山月色
如晝夜將半忽聞巖外有人語聲老衲以為窮山絕頂夜深如此何
處客子徘徊於玩瀑臺上欲近之則揮手止之固請還入老釋不得
辭入菴而窺之客與童子語微聞其聲不卞何謂也但衣裾隨
風飄入良久唧然長嘯杳鳴竹動谷答巖殿鎮餘音裊裊遠揚雲

表老衲心清神爽更欲出拜而颯然而逝循巖腹無谿之地直渡香
爐峰童子隨之其步皆如飛不知所向老衲瞻望嗟唏始覺其為真
僊○譯官表獻朝天過斗嶺高三家高三終夜念阿彌陀佛懸茶
瓶壁上喉喝則飲其茶念誦不撤謂憲曰東國人多誦深字子必聞
之我誦阿彌阿佛有利於前生乎於後生乎憲曰不然東國有一說有
一高士尊事釋氏捨絕百業以念佛為事常居一室每誦阿彌陀
佛日以繼夜如是積數歲夢有神人自彌阿彌陀佛款門謂居士曰
汝念甚勤我當福汝明日方伯過汝邑汝伏橋下連呼吉生十餘聲
觀察使必福汝明日如其言終日伏橋下果有觀察使過之居士大
叫吉生十餘聲觀察使命邏卒挈致之曰我兒名吉生爾何慢我

呼我兒名十餘聲用大臂八十匍匐而歸私怪其故其夜夢有神人
曰汝叟觀察使兒名十餘聲猶受大臂八十杖我豈爾觀察使之
比乎胡叟我兒名千萬聲日夜不休積乎而今後無叟我兒名自
此居士大怖更不呼阿彌陀佛高三大驚曰吾不承子教幾受重杖
於今生矣卽覆其茶瓶終夜安枕更不念阿彌陀佛憲官至崇祿
今七十七歲云憲自少至老關西抵北京與諸妓歡飲無一所晤人人皆異
之○有一書生讀山寺積時月與同舍僧相昵僧每朝以供佛飯僧之
餘兼請巫者夫人靈駕生問其故僧不答後日又聞請靈駕如前
更詰之僧旣與生相款迺悉言其由曰始與某巫者相識款謁而遭
會巫者禁直不還日暮因借門外側室而宿時夏月如晝不勝情慾

直入內閣二門不閉諸婢交錯而卧見床上一女露體玉色可餐棄
睡而干之出卧于門外如初尋聞自內啜婢進沐浴湯吾未曉而遁
既明過其門渾家有哭聲問之隣夫人昨夜繫頸而死未知因某事云
每憐節婦因我而死是以終身享之生聞之不勝膽裂欲拉殺之力
弱恐反遭害乃誣其僧與之出遊指高峯曰此峯奇峻可賞願伴
我登眺僧偕至絕頂新庵下尋其下截陰人跡所不到生喜謂
僧曰我與爾身長孰優僧笑曰秀才焉敢擬我生請試之背立而準
生遂奮臂推之倒落千尋之下而斃君子曰生之殺僧快則快矣惜
乎不能聲其罪而正法誅之也儒生名姜子慎後為坡牧碩德之侄也
婦人姓氏無傳焉○興陽李睦者良民也生業甚饒有田宅妻孥

而獨好浮屠常有出家意不忍家少之零丁矣有所善友交道特甚
一日邀之其家與其妻子同宿一室睡既熟袖身而出投鑰其門傳滿紙
書于壁上而去曰僕素好佛法欲捨家遐遁托身空門而不忍妻子之
無托深知子仁愛有信不棄我諸孤子我有財有室足以濟其貧乏今以
妻孥付子勿辭其友睡覺後疑其久不還出而視之門已鎖矣遂壞
門而出燭其書云云已失其友矣其友善人徧呼隣里族黨而告其故遂
辭去厥后睦永不返隣族聚而謀之更招其友付以田宅妻孥友亦終
不得辭睦今遊無等之月出山人或有見之者云矣○懶翁者麗水神
僧也為檜巖寺住持赴任未至寺十里許有一破衲窮笠者伏謁道
左翁問曰爾是何人對曰貧道乃寺中乞粒也聞大師臨弊剎敢

要諸路翁使之前僧涉水不寒裳而使之前渡水如踏平地已默
知匪常人入寺中不知所向翁已入寺不禮佛即舍廊閣寺僧怪之俄
而先令寺僧辦麻索大合圍者數千丈諸僧尤異之曰大師初蒞不禮
佛先徵物出力何也然不敢拒具而進翁上大佛殿擇健僧百指將大
索纏幾第座六丈佛仆地寺中老僧齊會合掌而請曰自前日此佛
靈異無雙祈雨而雨祈病而病愈祈子而孕凡有所祈輒應大師初政傾
耳拭目而先仆世尊之狀大可怪也翁瞋目而叱之曰爾輩聽我指使而已諸
僧不敢拒齊力引之木像全身百制手不動而元匪重物也老宿揚眉而言
果若人言靈祥不可侮大患將至矣翁自上榻一手摘之即仆于地牽
而出之沙門之前積薪之上而焚之羶臭滿山於是更造他像而立之

又有妖患如前焚之三造而新之更無災仍安之曰凡安佛像香火供
饗之或有山魃木魅凭瓦馬假作如來靈幻者比之有之所謂某寺有
靈祇有感輒應者皆此類愚僧尊而奉之或至閭寺貽患僧徒無故
斃可不懼哉吁懶翁神僧也物久則物必依焉矧佛寺朝夕供養之地
乎鬼之求食者捨此安逞且如今或刻石人於墳上以衛神道歲久山
魃或有瞽受其祀今或有用石華表頗亦有理也夫○崔演者江陵人
人也聞金時習為僧隱雪嶽山與同志年少五六人從容追遊請學
時習辭焉獨演可教畱之半歲盡師弟之道寢興不離側每月
高夜深寤寐視之失時習所之枕席虛矣演深異之未敢往尋
之如是者數矣一日夜半月明時習衣巾潛出演隨其後越一壑踰一

巖草林而密伺之巖下有大盤石平廣可坐二人不知從何來相揖坐
石上語遠莫聞何語也良久而散演先歸卧如初翌日時習謂演曰
以汝為可教今始覺煩燥不可教也遂辭焉終不知所與語者人也仙也
○博奕者小數也善賭者日收千金金州有金哲孫者有美妾容態
絕世倭有善奕者悅其妾知哲孫好賭奕以一寶鞍盡日星珠為鈿
以示哲孫乞請以賭之一戰而勝得鞍倭加重貨請退如見贏請注美妾
哲孫心易之須臾與牢約三戰三輸終以妾歸倭妾其妾上船而歸其妾
在倭中悲之寄哲孫歌曰金州地金哲孫與人賭奕莫為先千金姬載
倭船盡日盡星一鈿鞍須替妾顏者其後百餘年有西川令之宗室
也善奕為東方第一手曠世無敵有上番老卒自下道來牽駿馬上

謁曰聞公子善奕試與戰不勝注此馬三戰兩輸竟進二馬去曰請公
子善喂此馬它日踐更期滿當與再戰歸此馬而歸西川令咲曰諾自以
得駿馬喂養甚勤倍它馬甚勤肥他日老卒期滿果再來請奕西川令
三戰三輸遂取馬而歸曰小人愛此馬自知上番京洛客中難得善喂故姑
託公子家耳今蒙公子善養變玄黃一肥不勝感激矣○頃年有申求
止者私奴也竅奕甲東方自嘆有絕藝窮居食貧時外戚李良權
傾代自稱善奕並無雙求止欲謁樸莫為之先四十匹錦買赤氍纓子
密與良樸家奴盃酒交歡曰欲謁相公賤隸也無階一拜願因爾通名奴
曰相公多貴客金貂者日夜如織但某日忌辰却客閑坐可其日來至其
日果投間欲謁樸甚喜曰爾果奕之甲申求止乎今日果可交一戰

求止故不勝樛喜甚曰爾之技止此乎他日又謁求止曰小人對奕未
嘗見輸東國稱之今於相國輸其局心快三夜不能寐仍用重物為
孤注樛曰諾我輸當惟汝請汝輸當注何物止曰小人家有傳家明璫
纓請以此進終見屈出諸懷進之樛每垂其纓誇賓客曰孰謂申
求止奕家甲手常隸匪不重貨吾能注取其纓常隸之技無足論矣
異日求止再謁樛喜甚遂諱客杜門而見之曰孰謂汝東方第一奕無
意退此纓乎請挑戰決雌雄求止垂敗而勝者連三局樛憮然嘆曰我
今負當從汝請欲何物求止遂於袖中出一束空簡四五十張進之曰有
賤女將成婚願求婚需於平安一道樛曰甚不難惟汝求樛素敏於
書翰一揮滿紙數四五十張進之曰有賤女將成婚矣賴大監之德矣

遂具騎僕遍平安一道納其簡列邑無不倒履出迎空大館以舍之
敬之如使星所資連駟并輜輶載而返卒為富家○成子沆文官
也善相馬其女婚判官安濬買一良馬愛之喂養倍之肥澤飛驒牽
過于庭子沆一見之曰此馬逆毛脊背臃腫離圻不四朔必死速賣于市取
半直若滿其價是欺人也不可若因留養匪徒失本價喂養之功歸虛
濬大怪之曰吾馬肥澤如此行法如此朝夕芻豢不減表裡有何病而取
半直賣之乎厥四月果無病而死常在堂中聞牆外馬嘶曰是馬有某病
不多月而必死說與主人後日其馬死主人來謝有宗室人買良馬欲示之
子沆曰在別室門窄難容馬立門外數聲嘶子沆曰不須見其狀聞其
聲不久必死也須速還其馬無狼費其價宗室咲而不信不數日斃其

神如此豈以伯樂比之○黃建中宦之子也世家京師縱步花柳有先僕在
鐵原來遙畱連者歲將半矣舍于古東州側嘗夜獨寢忽有美人排窓
直入容色絕艷狎坐戲咲因開褊晚枕建中心迷不定將不能閉其慾但
時月嚴寒所服皆絳絳織絺意不得無訝却之甚固女柔辭巧說嫵
媚百態終宵不肯去自此宵徃昏來侵軼多方建中心知其匪人終不
許共歡使妾左女入其右使婢右女橫卧枕邊使婢枕外女橫卧足下使
侍者足下猶不離其床招道士巫覡為防已之女愠曰我匪苦子只感君先恩
欲報德於冥亡之中矣曰何哉曰我乃東州弓裔時宮女恭封都破死亂
兵中子之先祖黃繼允瘞我於西郊山外數里所當其時天暑衣絳絳至今
猶著古衣幸君勿訝建中自度不得離舍之如京女隨而遠追之京第侵

之如前建中猶牢非女畏犬家人多畜狗環鈴而馴之居數月女泣而辭曰
非徒子薄行非我益堅吾與子緣已盡矣從此辭去建中曰汝久留吾所待
之不盡禮今將別矣願聞來歲吉凶女只書五言句曰金鷄屋上棲一
家未解其意建中與惡少橫行閭里犯邦禁拘之獄中樑上有黃
鷄一棲詰之同囚則曰憂中夜爛難知曉色畜此以識更始悟女之前
言野史氏曰女是狐精故畏犬超野狐入宮人斜作祟所以知弓裔時事
也○李相國子常名恒福號弼雲又曰白沙始生不周暮乳母抱持
近井放諸地坐睡相國匍匐入井乳母夢見白鬚丈人頽而長以杖叩其
脛曰何不省兒痛甚驚覺趨而救之痛其脛屢日大異之後家中享祀掛
其祖李益齋齊賢影子于堂中乳母見之大驚曰前日叩吾脛者卽

此影子也吁益齋郎前朝賢相也英靈不泯於三四百載之後能救兒
孫於佔危之地豈徒宣神甚靈亦知彌雲異於凡童能致神明之祐猗
歟奇哉○高敬明為淳昌郡守得染病而卒舉體俱冷而心下猶溫經宿
未冷忽如夢之覺曰有使者招余引路而去至一官府使者入而告之官人
曰所招者匪其人也促令使者復引而還入淳昌界於路傍民家有鼓
聲鑿鑿有聲使者曰願入暫憩覓酒食而去敬明隨入其官巫曰我
城主來矣迎之上座奉觴侑之享使者盡醉而送之即入衙舍遽亡而
覺之遂令從者徃路傍家夜祀求罷問之巫如其言矣○申叔舟少時
赴謁聖試未半夜與其友人同就成均館見路中一物張口當路上唇著于
天下唇接于地同建者惶怖却立取他路而建叔舟直入兩唇中有一青衣

童子拜而言曰願從措大遊惟所指使叔舟啣之自此隨叔舟不離遂捷
魏科凡有吉凶莫不先事而言聽其指導無有不吉及渡海入日本風恬
浪靜終致利涉而還其從 光廟封首勲位躋台鼎童子必先告言及其
終也童子泣而辭去未幾而卒嘗試古今之書李林甫有神童安祿山有神
兵豈此類歟○權臨手少時聞友人染病聞家時將不救往救之衆止之曰
不顧一身活人於水火之中奈延一家何墮曰先生有命故人臨危認視而不濟
不義資藥救之入其家童僕死相枕矣友握墮手而泣因與同宿覺而
視之友人潛抽身避之他處矣墮欲歸夜尚早歷衆屍出外廳而假寐時
細雨初收月色微明忽有兩鬼倒被蓑衣起牆而入直趨於內曰其人遁矣出
外廳覓之見墮手在一鬼曰其人在此一鬼曰權政丞也不可干也復起牆

而走擊寒衣追之行到一曲巷曰其人在此遂起門而入俄而有哭聲矣高
興柳昏擊信天不惑能捨身以救人其致福祿遐遠終躋台鼎不亦宜
哉其友不顧救已之恩欲賣友以代已其處心無似宜夫神之殛也○李慶
禧家有鬼作妖或新人髮鞭人背點污飲酒食毀碎器物累歲不能去及慶
禧為開城府都事所寓有蟬聲出壁間時冬月無蟬家人知鬼自京隨
來有一校生使氣猖狂者曰人鬼殊道渠何敢作擾我當痛避渾家信之
請入壁間果有蟬聲仍拔劍擊柱之際蟬聲耳極清低仰因促恰似
繩吟樹間校生側耳聽之乃厲聲叱詎曰何物妖鬼乃敢冬作蜂聲耳良
久寂然須臾有物自空中掉校生髻仆於地鞭杖之聲震一堂校生流
血氣窒不自省扶曳而出藥餌屢日難得甦慶僖官滿歸農庄有

有積木成山高數丈者五峯一峯可出谷五六十石一夜五峯俱出火烜赫漲天呼隣人救之火遂滅則無一點灰燼翌日火復起隣里救之又無火痕第三日火起如前呼隣人救之隣人曰兩日鬼戲非真火也不來救是夜五峯燒盡無餘凡所謂物怪者匪人死為鬼特物久有神能幻人形以為戲耳其為天地間四大之氣鍾而成人死則還歸大空漠然而散其間生為含冤抵死氣不散作妖人間千百中無一二焉獨物之久者含靈假像與昆虫草木魚鱉之精能為生氣虛狀者比之有之其氣本邪自不干正所謂邪不干正者豈虛語哉○並俗以兒痘帶神多尊奉之忌諱之只事祈禳不事藥餌非惟人命夭札之可哀英俊豪傑之才殄殲於一疾良可惜也並咸曰斯疾也某事靈異某事怪愕非鬼而何非

但婦人也雖有識丈夫未免恒惑如巫蠱豈不寒心哉余惟疫者熱也
熱者火也火性明火主心本虛靈故方其發熱也靈必鬼明如火不聽而
聽不視而視密處幽房能燭外事或發於謔語胡說使人驚動妖惑
無他心火煽熱如物照鏡然也何以知其然彼仙也佛也能使心地精明
生虛室故雖定坐方丈能知山外之事能洞他人之心不過明其心火故也
瘥之兒何以異於此哉余家有奴患瘡移之五十里園庄余心憐之得一獐
脚送似其肉未至奴亂言曰吾之獐脚安在不絕於口奴死而肉至庄主
哀而奠之吾隣有兒患斑疹人或饋牛三蹄兒母密烹之勿令兒知
兒瞑目卧房中曰吾家有母之肉三請使我嚼吾疑瘡疾斑疹皆極
熱火甚明能觀於無形故也豈有神告之也兒女攢手祝神可笑也哉

興陽之民有死於疫葬山下村人往于田間有轂隱々自墳中出曰活令々
村人欲奔告其家有一人止之曰諺不云乎見死而甦者告其家反受其死
禍村人怖而止翌日又聞其轂三日後寂然矣最晚其家諸子聞之發塚
視之棺頭圻絞布解衣衾開死尸轉覆矣諸子大憾訢之官杖其人吁
野人無識至此哉禍福之說謬愚戇也甚矣○洪仲成早喪室有一男
初生未學語其後四五年兒晝睡驚呼哭乳母抱持而問之兒曰有婦
人盛粧身衣紫色長衣帶青段長帶泣而抱持曰吾兒可憐々是以
驚哭乳母問其貌卽母狀也乳母聞之痛哭曰汝母初亡用紫色長
衣青段長帶冥中所著必其衣帶也以此推之卽亭之鬼借衣陳
情紫陽之魂裱衽訢寃李文敏之歛衽半臂嚴武妾之琵琶垂

頭皆匪虛也○壬辰之亂兵曹佐郎李慶流為防禦使從事官戰敗
於尚州其兄慶濬武將也方戰在平壤領大軍防守順安適值忌辰清
齋獨坐諸軍退就各隊忽聞雅壁間哭聲呵○視之無見慶濬怪之
俄而忽有人以喙曰兄氏吾來審之則慶流之魂也慶濬泣而問之曰爾何
來曰吾死後欲訪吾兄之所居兵威甚嚴怕而不敢進今者隊伍稍退兄
亦靜坐間而來曰爾死於何地骸體在於何處可一指之拾其遺骸使
之葬乎曰兵敗之日僅抽身亂兵中埋伏草莽翌日步上山寺於路遇倭方其
被杖驚魂飄散不知形骸所在曰爾可來往于兄弟所勿徃父母之所恐其
益疚其懷也曰然吾不使父母知之自此來達于兄弟所家間事無不言之諄
諄如平日如是者三年而不止其時一家皆以戰敗之日為忌祭審其言戰

敗羽翌日死以戰敗羽翌日為忌祭云耳萬曆壬辰癸巳間統制使李舜臣之閑山島也其子從軍于忠清道與倭遇斬三四級遂北長驅有一倭潛草間伺乘其不意突走擊之墜馬而死舜身未之聞後忠清道防禦使擒倭生致之閑山島陣其夜舜臣夢其子徧身流血來曰降倭問之曰某日殺我者有之舜臣驚而悟始知其子死也俄而訃音至引降倭問之曰某日忠清道某地有人乘赤白駿馬遇爾等殺而奪其馬其馬安在訟審之其中一倭進曰有少年乘赤白駿追我而殺三人我埋草間卒起擊之取其馬納之陣將復問諸倭信然舜臣大痛命卒而斬之招魂而祭為文告之壬辰之亂統制使李舜臣將造戰船發水軍伐材于閑山島樹上有魂而泣曰願勿伐此谷之木今爾輩來伐此谷之樹吾儕多移他樹願勿

伐此谷之檄軍問爾是何人曰全羅道儒生宋也一家男女死於兵今此來
託于樹丁之軍遂移他谷○朴洞改名洲力理學子訓誨後進不以鬼神為
信其子九歲死葬于先塋下畢事而還未轉山谷忽有鬼聲自墳所
嚶奴名曰石耶取鉶去視之無人而忘鉶來矣遂取而歸○龍川驛在
黃海道路傍而燕山朝殺洪貴達于此貴達字無善後有宋軼以
天朝迎慰使宿其驛駛字嘉仲夜有寒氣自遠而通肥骨久寒
殆不可堪忽於戶外有聲曰嘉仲駛聞其聲知其為洪太史應之
曰子是無善否曰唯遂呼僮對置椅子下床榻之有如物倚椅上寒
氣衣逼曰我死時天寒甚至今寒氣不解願與我熱酒遂命熱酒
三盃俱饌排椅前良久曰余寒稍解多謝余思覓酒解凍候行官到

來討累致驚怖輒殞匪我故犯之令公祿福遐腆子孫延甚勿憂之
遂辭去後輒為頌相子孫多至卿相礪城君寅判書言慎審判駟皆其
後也○有陳著卿者有所事出遊川上秣馬忽聞人噴嚏聲顧之無見
如是者數矣仍倦而睡夢有布衣士人泣而言曰有至寃欲向君訴君能
副余願否著卿曰諾試言之士人曰姓名某居某地有奴頑暴將傳諸第
幾子性甚嚴奴虐之為我執轡殺我埋于此僕有子居喪朝夕設祭
而使其奴行祭余畏而不食將於某日終制至是日子見吾子密言之報余
讐言收余骸乎吾骸埋彼川邊樹下草葉隨風入吾鼻則輒噴嚏又言
其奴像貌甚詳著卿驚覺異之遂就樹下窺逢剔以果有人骸一
具而草葉隨風出入其鼻後至是日審其家見新闋服者見著卿

顛倒而迎之饋餉極腆者卿問其父緣何故死何所曰吾父出遊死不返
不知死所虛葬衣冠於此山昨夜亡父來言今日新來之客待之如我必知
死所未知尊何所指教乎著卿忽神急如夢屏間有語曰此過庭
者即其奴也熟察之其面目如所聞川上之語者著卿乃附耳語曰喪主
乃以微過縛其奴鉅杖訊之一三輸情殺而磔之收父骸於川上葬之古兆○
僧天然有所如過西之殷栗白晝無雲氣忽見中天黃白兩龍從東西
卒起相遇橫空相闔乍前乍却白日照之鱗甲燦爛相映移時流
雲四集如水之趨壑霹靂雷火惠之張溢兩腳大如繩飛電隨之良
久相與歲身解闕而散廓然為晴天乃知龍者飛物不必隨雲而動龍
動而雲自隨也韓子曰既曰龍雲從之真壯語也○公洪道水營在保寧海

上有亭曰永保勢壓滄海有白龍馬或出遊海上騰蹕行踉洪連如
平地其馳騁爲之狀雷邁風迅鬣著鬣尾騁一如馬皜皓如霜雪其俗傳龍
出見則邑有慶水使必蒙恩賞云稽之遼牒雖楚之澤之龍項羽能制
而乘之又曰澤馬蹕桑阜又曰龍馬翫繩而遇紐今復是馬也若有人能羈絏
而御之安知不爲地上之龍駒乎○古人漫錄皆經徵驗而著之方策非子虛
狼也寶恩縣有鄉產首獵于山見一死虎僵卧呼蹕不動股投以磧礫
不動欲試以弓箭刀劍座首惜傷毛皮止之有解事者呼虎死必尾
澗首山非死虎也座首不聽不射不刀而使獵人舁之行數里虎舉首四
顧遂跳躍而去隣邑笑之曰凡有笑侮事必擲寶銀座首之瘞虎也且
有人愛猫入懷中却之不出猫遂咬其乳久不釋毒氣遍身四體俱

黃腫閱醫書用薄荷已其毒腫盡下一身皮膚盡脫也且六月十三日
種竹者移根不死余聞三說怪而不信及其見古誌虎食狗耳則醉猶食
薄荷亦醉又曰六月十三日竹醉見也移竹不枯然則非獨人醉於酒物亦有
所醉也南海有竹島多蛇刈筍者必鞋襪乃入也且南中養筍愚筍易
成竹或覆以籬尾筍長而久猶脆或值陰雨屢日筍成大蛇滿籬誌所謂
竹為蛇者亦不誣也○金堤有老僧得一虎子養之既長如一歲犢老僧
愛玩呼斑童常與人狎而戲之一日老僧新于山童子泣而奔告曰斑童吃
嗜拏攫而前有咬我者然老僧深惡之持劍而逐之虎子怖而走追磔之
不及斷其跟後虎子驚而逸自恣其行止不復為人擾其後閭里多虎患
逢人輒囓審其踪缺其後也乃知為斑童蓋自始與狎狎閃舌相狎者

磨牙

有素且備審易制故也入南原中德里聞勸農之呼尋其家俟於門外
能作人聲曰中德里勸農之呼勸農開戶視之自此村間夜聞中德勸
農之呼人知其虛至○有大鱗登絕壁入鵲巢食其雛而盡之鵲盤天引
其類衆鵲漫空而鱗甚巨不可敵鱗凝然不動鵲奮翔長逝引一青衣
而來大如燕而小於鳩從天低翼而下直吐鱗頭俄頃鱗脫額於樹上宛
委墜地而死搖動東逝不知所向識者曰海有名鷹曰海東青勇健
過於白鵠所謂鷹王者也大抵水食蛇與水為相克有大鱗懸樹承
仰視而欲噬之不得卧樹下佯死連日卧不起鱗飢甚欲咬遂掛樹枝伸其
尾縛水試引之去地丈尺水猶不動鱗始下樹縛水叩其尾疾走巖
石叢林中鱗鱗皮盡剥水遂寸斷之咨其噉啗○鼪者黃鼠也畜子

穴中牝牡求食游穴外有大蛇入穴盡食三四子能盤林中兩鼪悲號俄驅
大蟾轉輾至蛇前以兩木枝對挾蟾腹背使丁尾向蛇口兩鼪對咬木兩頭
甚緊蟾散溺蛇口數三次蛇蜿蜒而鼪鼪割蛇腹出其四三子舐之吁物
亦知報復以快目前但慈愛之天均也能知物性相克殺亦神矣人獵雉
曾見創以松脂填瘡口又見魚曾逢人而活松脂滿瘡穴矣亦豺猪
不死猪能塗松脂矣而穴瘡合矣物性亦靈豈自知醫藥豈物之心也亦矣
之好生理也否○有野客會友烹狗將充盤羞有一鵬下搏厨夫傷頭面
客曰此取之甚易於是拾小石納狗腸而切之滿一櫃矣置之田中而伺之鵬
下田啄之立盡使健僕荷大杖而進鵬奮身決起離地不能丈遂一杖而斃
滿座皆快之○丁酉之歲扶安氏避倭寇伏草莽舉家竄匿惟一犬隨之

倭寇括草莽得其人而刃之死僵於野犬悲鳴守其屍烏鳶狐狸近之
則輒而驅之如是七八日不暫離家人至而收其屍○詩人鄭之升一生愛山水居
龍潭會稽洞自號會稽山人結精舍于溪邊佳絕處居名其堂曰叢桂
堂讀書自娛忽有大龜來居堂前高廣俱四五尺其子晦時輩能騎而
行或往或來任而自在而不離園籬間有時林谷深壑白氣浮動之升曰吾
家老物遁跡而避乎童往尋之果抱負而歸如是者數年矣後之升移居
溫陽因會稽父老問龜消息無形影云矣長興漁人得龜如獻之府使
朴瑞奇之畜之衙軒以為玩戲有一客曰吾聞海中龜鼈腹中多夜光明珠
可掬而取之瑞之妾王生者名妓善歌琴者石介之女也亦以歌名長安請
瑞殺龜出珠瑞曰靈龜不可殺王生密令其客剖其腹無物不數月家

室火王生二子死瑞母夫人及勸割之客及操刃之雍良子相繼死者五人邑人皆曰殺龜之徵也余按龜策傳氏家得大龜殺之者果不虛矣瑞歸死道中云或曰後有年暴死云矣○甲砮為北道兵使為胡人張宴以餉之其中老胡以射獵為生多識胡禽獸砮問曰爾自少射獵于胡山有何奇獸曰少時逐鹿入白頭山有一獸如巨人之立長數十尺遍身長毛被髮至肩狀貌獐獐背一兒長十餘尺見奔鹿過前一躍而攬之列裂其股以與兒之背暗之胡人伏地隱身得免云其獸疑是夜叉也○同知朴培根即叅判梁應龍之妻父也居羅州湧真山下穿大池畜魚結華亭處焉有村翁饋鯉放之池中每亭上對客鯉出池面噲喁朴公投之食以為常如是者五六年自邇來潛形不出得無欲為龍登天乎若復見

者射之自此水池中洄激落沉于底必汨之涯澄其碕岸為風雨所滌數年之內盡成白沙之地一日朴公燕坐堂上暴至之雨如麻顛風拔木忽有一物自地中當楹而上張唇聳鼻兩角魏_二通身紅鱗_一如甲錯礪白髯皆丈餘蜿蜒如一大龍長百餘尺風雲電雷閃爍湏臾湛身登天而去長廊數十楹為長尾所歛蕩然空虛矣（文化將校有柳不知者昔方伯自安岳來到信川縣官使柳探候冒夜行信川文化之間有一頗樹木蒼蔚行經甚僻有虎當谿張口而立柳或進或後終不去所向皆借路柳自度不得免時曉月初生見虎口中物橫之虎蒲伏起伏以足指其口柳冒死而進誠言我今出爾口中物爾不咬我否虎領頭起拜為禰謝之狀而呀其口柳奮臂探口中物拔之乃長鐵簪也虎搖尾而逝蓋方伯到安樂妓自客舍

出將食于家而為虎所吞長鐵簪安樂官妓首飾也未幾柳父死將葬
有虎當其穴有若禁河者也虎往他山攫其地有若開穴者然即舍其穴遂新
卜虎攫之地葬焉厥后生柳車達為丞相今文化柳是也○安東有山城朴叅
判彞叙之子簪曾為府使斲山石修簪之釘一巨石刻之石中有銅簪四
箇狀如今民間恒庸之燕器皆鍛鍊皆受可容三合石之著銅處表裡
滑澤如磨龍簪得其三失其二蓋天地摩剝融以為山流而為水結而為
石今此銅簪之似是先天古物形而形制不異於今何哉未可知為土為石不必於
太古自中古而成乎抑古人所藏於塚中而土化為石乎或曰石灰歲久終成石
安知歲移石及而仍成石中物也俗傳明川七寶山石中得蛤又胡地白頭山水
沫為風所蕩成石形如蜂房然則土化石不必自先天矣未可知也時萬曆天

啓間云其明年簪漚水極死而生又明年彞叙使中國漂海不返○尹
秀才希宏儒也性疎雅愛水石居鰲里門南山樵鹿斷山巖為山形衣以
鮮植奇花芳卉引山泉為地種之芙蓉頗蕭灑為林泉之盛旣長安
士大夫多叩門來賞因以畫觴將迎其友成擇善於酒間戲之曰吾家
有怪石其巨峻琦瑰天然不待人工豈子弟日費斧斤借人力雕鏤者比
乎予若求之吾有以贈子幸備車馬送之希宏大喜朝日抵書京師假
公車與牛送明禮里成氏庄擇善笑指南岳聳螭頭曰此吾家怪石也爾
如有力任其載去車僕悵望驅而還是時年少儒士金斗南踵門而求見
石門人辭馬斗南愠索筆題其門曰君家名勝擅長安日來遊畫達
官山石豈能偏拒我到門還愧著儒冠其詩傳詠都中希宏大恨之

鵬濟聞此詩曰詩即好矣語不好終身不免儒冠予南以才子終不中第
○高麗新破之後松都有空第咸以多魑穢人不安居有商人薄貲
而貿居有日月每暮杵之時出聲耳錚鉤隱隱出墻壁遂毀其壁而視
之其壁重複之中有金銀寶器充棟宇不知幾百壘也有文字曰
中官某二年某日藏蓋高麗之亡也宮官分竄宦官有權寵多寶玩
臨亂藏之重壁被兵不復旋其第因以空焉入其第者聞金鐵聲
以為鬼魅使然多怖悸不安其居故也商人得此起家為富甲松京
商人或稱忠臣劉克良○萬曆甲午年兵火流離餓殍籍田民皆割
屍以充腸開城有一氓抱一歲兒置之路側掘野蔬于田間有二人挾兒而
走窮追之入山谷間已投之洋湯爛熟矣縛其人入訴于府不敢抱死兒

入訴于官留之門側賊不服欲以死兒為驗出視之已餘骨矣官吏詰其
由邏卒等對曰小人等不堪屢日之飢見兒肉爛熟冒死啗之飢饉之
極人失本性不畏羞惡烏足言苟無斯食人之類幾滅矣悲夫可忍義
○萬曆丁酉楊經理犒在平壤也南原城陷擺撥之報已到平壤經理問
接伴使李德馨曰全州去南原幾日程曰全州去京城皆畧千程曰今日飛
報南原陷全州留陣將陳游擊孤軍無繼援事已危矣吾當今日進軍
王京放炮三聲經理幅巾行衣鞭馬獨行萬軍隨之不分晝宵移住京師
時賊兵到稷山朝夕到京師提督將軍麻貴劉鋹等無意交鋒將歛
軍西退已上題本歸咎先王而自免經理正色叱之凝然不動請先王
進兵與已偕南經理遂棄千里驛舉鞭而先渡漢江浮橋先時漢江

此舟為樑鋪板舟上為路多臬兀不平先王不閑騎乘不能躍馬而及之
經理已渡江顧接伴使咲曰我匪實與天王偕南欲觀大王能騎與否兵
危事也大王之臣宗社所係也不可匹夫馳突試千金軀於不可測之地乃
回馬首還京師曰願大王退往西路俺當獨留軍以策應先王泣
下曰國事已去大賊將迫京師不穀義死守安敢以賊遺老爺獨留
苟活經理強之百請猶不許經理曰無已則廟祀之主與東宮諸王可經
出以避之先王不獲已從使東宮陪內殿向成川舉京師百萬家隨營
而西蒼無遺淺獨先王與經理留京以待變經理洞開城門夜坐太平
館諸軍泠寂招裨將命各哨選勇敢士各二名裝束以待須臾得二百
人如虎如貔密誡曰各把器械潛伏所必橋遇賊麇殺勿令斬給徵功引

賊而北使二千騎交鋒尋又傳令選精兵二千騎誠曰伏所沙峴外遇賊
麾殺引賊而北與五千騎交鋒又選五千騎誠曰如前伏振威草山而待
又選五色火兵服其服排陣漢江北作疑兵經理與麾下諸將設帷幕
建旗鼓于南山城下終日飲博歡笑俄而飛騎來報賊已離復山前來經理
色不動頃朱旗馳報所沙橋外^天兵二百騎用鐵鞭^二賊前鋒麾盡數
百人引敵退伏到峴外二千追奔逐北斬數三千級於是賊竄歸巢穴天兵
二百騎建大旗前導黃金大字書曰天兵大捷之旗各於旗竿上懸倭首
箛螺鼓角奏凱京師京中大軍歡聲如雷野史氏曰予嘗觀朝鮮國所
沙橋去王京二日程飛騎兼程而至大賊張鋒直搗其勢不可當而楊經
理不動聲色談笑而却之使二百王業垂長而復全其功何可量宜夫其國

生祀以俎簋之禮猗與休與○曹偉名儒也號梅谿燕山朝日燕未還論罪
至死將俟還鴨綠泛而殺之偉問遼東陰陽先生書與偉曰千層浪裡
翻身出夜宿巖裡月色新偉未曉其意及還意稍解貶邊地配所歸
葬瑩兆朝議復起剖棺斬屍暴之經三夜而後葬其暴處有大巖○
曹南溟植成聰松守琛早與相友皆弱冠與若干人縱步花柳庄與佳人
約會適有私故將不得赴會南溟曰丈夫與女子約不可負強之行聞者奇
之曰曹生異日必成大人曹南溟植高蹈一丘嘉遜於嶺南視軒冕猶泥塗
其來京師也嘗遊盛春臺之北武溪洞之南礪城尉官雖駙馬頗以儒雅
自愛慕先生之風思欲獻盃於滄山張幕於荆義門松林中俟先生之過
張拱立路側令下卒邀於馬前先生知其貴价不肯下馬扶醉而去曰長者

不可邀勵城尉望其行塵縹緲若千仞之鳳凰焉○余按叅判成壽益
所著三賢珠玉北窓先生鄭礪物表神人也於儒道釋技藝雜術皆
不學而能嘗以釋氏學心通之法未得門戶為恨入山靜觀三日便洞然
頓悟能知山下百里外事如合契百不一爽隨乃父赴中國遇琉璃國使臣
使臣亦異人也在其國以易數推之初入中國遇神人沿路咨訪至北京遍
訪諸國邸館皆不遇神人一見北窓瞿然自失不覺下拜披其橐有小冊
記某年某月日入中國遇真人示北窓曰所謂真人非公而誰耶其人稍通易
學北窓大悅之共處三日三夜論易能通其國之音不待舌人蓋不學子而
能焉常居一室治鍊丹火候之法有客至寒暑也方盛冬不耐其苦北窓
取坐傍冷鐵瓦挾之額下以慰之頃之出與客洪爐之燠流汗洽體又有人

患痼疾鍼藥俱不瘳北牕取席上一掬菅草手摩口煖使服之病立
愈不幸早逝享年四十四其自挽曰一生讀罷萬卷書一日飲盡千鍾酒
高談伏羲已上事俗說從來不掛口顏回三十彌亞聖先生之壽何其久
弟礫亦奇士也為其兄作挽歌曰痛哭吾兄逝傷心欲問天修文繼亞
聖厥在化胎僊寂寞三生語風流萬卷篇乾坤卓先覺大夢忽倏
然礫早鰥獨居四十餘年一不近女色好仙術嗜酒又曉醫方多神
效平生不求進取嘗作詩曰白首參同契紅顏麴味春乃其一生事也
年七十微病坐化○燕山為立子時狂狷之症已著孫舜孝升 康靖
大王御榻附耳語切諫曰此座可惜願早為之計羣臣大駭之咸曰所言
公言之舜孝何敢攀御榻附耳語康靖大王笑曰謂近酒色密言之

耳然終不能忘心退溪嘗與曹南溟燕語退溪曰酒色人之所好然酒
猶易忍而色最難康節詩曰色能使人嗜亦言其難忍也子於色何如耶
南溟笑曰我於色是戰敗之將也勿問可也退溪曰余於少時欲忍而不能中年
頗忍無定力故也時宋^翼弼亦在座地卑而能文者翼弼曰鯁生曾有
所吟願見大人斥因誦告之曰玉盃美酒全無影雪頰微霞似有痕
無影有痕俱樂意樂能知誠莫留思退溪吟咏稱善南溟笑曰
此詩合為敗軍將之誡也

乙巳年月日騰出而凡五日半役

